



五家正宗贊



漢書門類		一〇二八	七三	一〇	四冊
------	--	------	----	----	----

內閣文庫		一〇〇二	四八	三〇	四冊
------	--	------	----	----	----

內閣文庫		番號	漢 10028
		冊數	4 ( 4 )
		函號	310 126



雲門宗

雲門匡真禪師

淺草文庫

師嗣雪峯諱文偃秀州人俗姓張空王寺受業聽四分律彙見睦州州纔見便掩門拶折師足曰秦時轆轤鑽師大悟州指見雪峯師至峯莊見僧問上座上山去那僧曰是師曰寄一則語問堂頭和尚不得道是別人語僧曰諾師曰上座到寺見和尚上堂衆集便出握腕立地曰者老漢項上鐵枷何不脫却其

僧依師教峯見者僧與廢道便下座攔胸把  
生曰速道速道僧無語峯拓開曰不是汝語  
僧曰是某語峯曰侍者將繩棧來僧曰不是  
某語是莊上一泚中上座教某來道峯曰大  
衆去莊上迎取五百人善知識來師次日上  
山峯一見便曰因甚得到與廢師以手拭目  
趨出峯寄之靈樹二十年不請首座一日師  
至即命之不辭就取劉王每入寺樹不接王  
欲檢其過樹已知之遂入寂王至衆言之王

曰有何言句衆曰和尚去時封一合子待王  
至自開王開見一小帖云人天眼目堂中首  
座王即命師繼席前世之因劉王乃鬻香人  
入寺涕唾僧堂中樹爲堂司偶而叱之曰如  
唾面上爭之不休師諫之而去師有願鑑一  
字關紅旗橫骨宗旨臨示寂遣表曰困風霜  
於十七年間涉南北於數千里外

贊曰

菰蒲生異材

浩氣吞雲漢

出空王寺

無心繫四分葛藤椿

跨陸荆門折脚悟秦時  
輾轢鑽果經霜熟  
軒知靈樹明窓下  
安排金繞指柔  
更入雪嶠洪爐中  
烹煨見劉王憶僧堂  
唾面未乾友玄沙  
笑漁舟通身紅爛  
放洞山三頰棒  
徹底老婆心  
豎雲門一字關  
瞎却宗師眼  
水上紅旗立未收  
暗中橫骨抽何限  
雖十七年困風霜  
於逆旅途間

然數百世策竒助於瘴煙城畔  
僧鳳兮人龍繫誰奏九成攪重淵  
使來儀奮飛於祖庭秋晚

香林遠禪師

師嗣雲門諱澄遠漢州人  
姓上官師爲侍者將紙衣  
錄門語句後歸蜀於水晶宮  
接待往來茶湯僧問美味  
醍醐爲甚藥成毒藥曰導  
江紙貴僧問如何是室內  
一椀燈曰三人證龜成鳖  
僧問如何是衲衣下事曰  
臘月火燒

山僧問如何是香林一脈泉曰念無閒斷曰  
飲者如何曰隨方斗秤師謂眾曰老僧四十  
年方打成一片將示寂辭知府宋公璫曰老  
僧行脚去通判曰者僧風狂八十歲行脚去  
那裏宋曰大善知識去住自由遠錄公探雲  
門宗入蜀見師人面山

贊曰 頂峭五峯 眼生三角

韶石象龍羣裏 奪得犀牛

岷峨山水窟中 飛鸞為鷲

紙衣錄他人語句 認魚目作明珠  
沙瓶煮待客湯茶 翻醍醐成毒藥  
水晶宮冷香浮篆 倚圓蒲宴霽月光風  
入面山高翠列屏 尾瘦邳訪青猿野鶴  
證龜成鱉 室內燈滅却光明  
臘火燒山 衣下事恐難提掇  
四十年打成一片 明皎皎暗昏昏  
八十歲行脚諸方 峭巍巍活潑潑  
探鑿嘆宗旨 引遠錄公走得腳皮穿

起落賴門風 聽祚智門喫些辛苦著  
香林一脈泉間斷多時若要隨方斗秤上自  
宜斟酌

洞山初禪師

師嗣雪門諱守初鳳翔傳氏子初參雲門門  
曰近離甚處曰查渡曰夏在甚處曰湖南報  
慈曰幾時離彼曰八月二十五曰放汝三頓  
棒次日師上問訊曰昨蒙和尚放三頓棒不  
知過在甚麼處曰飯袋子江西湖南便恁麼

去師大悟遂曰他後向無人烟處卓箇庵子  
不畜一粒米不種一莖菜接待十方往來盡  
與他抽釘拔楔拈却灸脂帽脫却鶻鼻衫教  
伊洒洒地作箇無事衲僧去豈不快哉門云  
你身如椰子大開得許大口示衆云言無展  
事語不投機承言者喪滯句者迷還得麼你  
衲僧分上到者裡須具擇法眼始得只如洞  
山恁麼道也有一場過且道過在什麼處僧  
問文殊普賢來參時如何曰趨向水牯牛欄

裏著曰和尚入地獄如箭射曰全憑子力問  
師登師子座請師唱道情曰晴乾開水道無  
事設曹司曰恁麼則謝師指示曰賣鞋老婆  
腳趂趂問離却心機意識請師一句曰道士  
著黃瓮裏坐問大衆雲臻請師撮其樞要略  
舉大綱曰水上浮漚呈五色海底蝦蟇叫月  
明問蓮花未出水時如何曰楚山頭倒卓曰  
出水後如何曰漢水正東流問如何是佛曰  
麻三介問僧甚處來曰汝州曰此去多少曰

七百里曰踏破幾緡草鞋曰三緡曰甚處得  
錢買曰打笠子曰參堂去僧應喏

贊曰 閒世賢 真法器

離報慈未出常情 見雲門方始瞥地

鳳生萬壑 虎豹子氣已食牛

電掣傾城 龍馬駒足應展驥

視渾身如椰子 能有幾長

開大口似紡車 略無少愧

於先師會中問有何過 合喫幾藤條

向無人烟處接待往來 不畜一粒米

酒粧公子面 把黃頭碧眼倒卓屎坑頭

花挿美人頭 將文殊普賢趨向牛欄裏

賣鞋老婆脚趂趂 唱道情蠻子打鄉談

著瓮道士坐鬼堆 雜意識波斯入鬧市

大海淨漚蝦蟇叫月 錯稱提韶石綱宗

楚山倒卓漢水東流 謾塗糊蓮花出水

問僧此去路多少 踏破幾緡草鞋

荅佛亂撮麻三介 渾沒星兒臭氣

言無屢事語不投機說道理即不無望少室  
門風白雲萬里

智門祚禪師

師嗣香林諱光祚隨州人上堂云山僧記得  
在母胎時有一則語今日舉似大眾諸人不  
得作道商量還有人商量得麼僧問金剛  
眼中著得箇甚麼曰一把沙曰爲甚麼如此  
曰非公境界問荷花未出水時如何曰蓮花  
曰出水後如何曰荷葉上堂云汝等諸人橫



擔拄杖出一叢林入一叢林你道叢林有幾  
種或有旃檀叢林旃檀圍繞或有荆棘叢林  
荆棘圍繞或有荆棘叢林旃檀圍繞或有旃  
檀叢林荆棘圍繞只如四種叢林是汝諸人  
在阿那箇叢林安身立命若無安身立命處  
虛踏破草鞋闍羅王徵你草鞋錢有日在上  
堂東家李四婆西家來乞火門外立少時嘆  
他停滯我惡發走歸家虛心屋裏坐可憐羣  
小兒終日受飢餓有眼不點睛空鎖髑髏破

僧問如何是般若解曰蚌含明月曰如何是  
般若用曰兔子懷胎問如何是佛曰踏破草  
鞋赤腳走如何是佛向上事曰拄杖頭上挑  
日月問曹溪路上還有俗談也無曰六祖是  
盧行者問古鏡未磨時如何曰也只是箇銅  
片曰磨後如何曰且收取雪竇見師問曰不  
起一念云何有過師召竇近前來竇纔近前  
師以拂子薰口打竇擬開口師又打竇大悟  
贊曰 舌本瀾翻 胸襟無物

滄海親生翫月犀 香林放出遼天鷲  
母胎中一則語 鋒鋷簇簇誰肯商量  
金剛眼一把砂 翳膜重重如何洗刮  
荷葉蓮花後先出水 不當截流機  
旃檀荆棘圍繞叢林 活賤無生國  
少時立門外 知李四婆來乞丙丁童  
一念未生前 要顯閻梨痛喫龜毛拂  
兔子懷胎蚌含明月 將般若體用沈埋  
鯉魚喫棒雨似傾盆 把韶石家財籍沒

拄杖頭邊挑日月 老瞿曇的的被挪揄  
曹溪路上有俗談 盧行者惺惺成漏洩  
拈出古鏡將謂是一片頑銅放下手元來却  
是箇木櫓

雪竇明覺禪師

師嗣智門諱重顯遂州人姓李氏初住翠峯  
次住雪竇法道大行遂躡雲門中興舊嘗典  
賓大陽與客論栢樹子話時韓大伯倚旁匿  
笑客去師謂曰汝何笑耶韓曰笑知客有定

古今舌無定古今眼師曰豈有說乎對以偈  
曰一兔橫身當古路蒼鷹一見便生擒後來  
獵犬無靈驗空向枯椿舊處尋師異之乃結  
爲友李殿院嘗訪福嚴雅禪師時師爲藏主  
與李論話閒忽道士秀才至李曰三教中那  
教最尊師起側立李曰有口何不道師曰對  
夫子難言李曰休休便起師曰適來造次師  
頌大龍堅固法身公案問曾不知答還不會  
月冷風高古巖寒檜堪咲路逢達道人不將

語默對手把白玉鞭驪珠盡擊碎不擊碎增  
瑕類國有憲章三千条罪頌忠國師無縫塔  
公案無縫塔見還難澄潭不許蒼龍蟠層落  
落影團團千古萬古與人看自贊上下三指  
彼此七馬拈花未曾微笑何也石謂玉兮器  
必分水凌虛兮月非下不知誰是旁觀者送  
重郤禪者春雨如膏春雲如鶴忽此忽彼乍  
休乍作枯茨離離維風太遲幽石片片遼空  
亦危一花五葉兮不相似獨運孤明兮還自

知還自知歷魏遊梁徒爾爲  
晦跡自貽圖畫  
當年愛洞庭波心七十二峯青  
如今高臥思  
前事添得盧公倚石屏

贊曰 隋侯照乘珠 趙國連城璧

奪岷峨秀 形眉宇精華

分涇渭流 在心源絡繹

披剝萬象 擅蘇翰林擒錦繡之才

褒貶五宗 富魯司寇作春秋之筆

與遂府鉢孟安柄 笑黃梅半夜未是的傳

見冷泉屎橛放光 信韶石一言所供詣實

白玉鞭擊驪珠不增瑕類 光皎皎冷如灰

無縫塔要澄潭不臥蒼龍 影團團黑似漆

無定古今眼 被韓太伯蒼鷹當路生擒

立分儒釋尊 使李殿院老虎通身汗出

多子塔前不曾拈花微笑 三指七馬何用掛唇

少林雪裏初無斷臂安心 五葉花徒勞指的

住翠峯好住雪竇好 狗舐熱油鐺

說祖師禪說文字禪 蝸蒙新泥壁

噴飛雪一千餘丈成瀑布 流出胸襟  
愛洞庭七十二峯和石屏 收歸圖籍  
高風逸韻古來今只許一人如此斗泰山仰  
之彌高望之不及

洞山聰禪師

師嗣文殊真諱曉聰韶州杜氏子初見文殊  
示衆云直釣釣驪龍曲釣釣蝦蟇蚯蚓還有  
龍麼良久云勞而無功乃有省師在雲居作  
燈頭見僧說泗洲大聖近在揚州出現有設

問曰即是泗洲大聖爲什麼却向揚州出現  
師曰君子愛財取之有道後僧舉似蓮華峯  
祥庵主主大驚曰雲間兒孫猶在中夜望雲  
居拜之上堂舉寒山云井底生紅塵高峯起  
白浪石女生石兒龜毛寸寸長若要學菩提  
但看此模樣良久云還知落處也無若也不  
知落處看看菩提入僧堂去也久立僧問達  
磨未傳心地印釋迦未解髻中珠此時若問  
西來意還有西來意也無曰六月雨淋淋寬

其萬姓心曰恁麼則雲散家家月春來處處  
花曰腳跟下到金剛水際是多少僧無語乃  
曰祖師西來特唱此事自是上座不薦所以  
從門入者不是家珍認影迷頭豈非大錯既  
是祖師西來特唱此事又何必更對衆切切  
珍重上堂晨雞報曉靈粥後天便明燈籠猶  
瞌睡露柱却惺惺復曰惺惺直是惺惺歷歷  
直是歷歷明朝後日莫認奴作郎珍重示衆  
天晴蓋却屋趁閑刈却禾輸納王粗了鼓腹

自高歌僧問德山入門便棒猶是起模畫樣  
臨濟入門便喝未免担目生花離此二途未  
審洞山如何爲人師曰天晴久無雨近日有  
雲騰曰他日若有人問洞山宗旨教學人如  
何舉似曰園蔬枯槁甚擔水潑菠稜僧問如  
何是離聲色句曰南瞻部洲北鬱單越曰恁  
麼則學人知恩不昧也曰四大海深多少師  
一日不安上堂辭衆述法身頌曰參禪學道  
莫茫茫問透法身北斗藏余今老倒尪羸甚

見人無力得商量  
唯有纒頭知我道  
種松時復上金剛  
言訖而寂

贊曰 絕羅籠 沒巴鼻

立玄關於新豐洞前

闡化機於筠陽城裏

就文殊釣頭脫去  
入獐龍窟宅誰敢保  
明伊荅泗洲轉語  
顛預作雲門兒孫  
未暇打得你  
和塵磨古鏡  
黃鶴樓前鸚鵡洲  
入水見長人  
瞎驢腳下金剛際

學菩提看石女生兒

辨奴即要燈籠瞌睡

蓋屋輪官都了辨  
唱歌鼓腹恣樂昇平  
參禪學道莫商量  
荷鑿栽松且圖遊戲  
翻身藏北斗  
未是良謀  
擔水潑菠稜  
錯明宗旨  
離聲色句謾云  
北鬱單越南瞻部洲  
直饒謾得者僧難謾自己

雲居舜禪師

師諱曉舜嗣洞山瑞州人姓胡氏初參洞山  
一日武昌行乞首謁劉居士士高行爲時所  
敬意所與奪莫不從之師時年少不知其飽  
參頗易之士曰老漢有一問若相契則開疏  
如不契請還山遂問古鏡未磨時如何曰黑  
似漆磨後如何曰照天照地士長揖曰且請  
上人還山拂袖入宅師慙懼而回山問師言  
其事山曰你問我與你道師理前問山曰此  
去漢陽不遠師進後語山曰黃鶴樓前鸚鵡

洲師有省師住廬山栖賢槐都官守南康困  
私忿民其衣大覺璉曾入師室聞師還俗遣  
人取至淨因以正寢居之覺處偏室仁宗數  
召覺入內竟不言師事偶一日嘉王取旨出  
淨因飯僧見覺侍師旁甚恭回奏仁宗召對  
便殿見之歎曰道韻奇偉真山林達士於扇  
上書曰賜曉舜依舊爲僧特旨再生栖賢仍  
賜紫衣銀鉢師退栖賢時以二力舁轎至羅  
漢寺二力曰既不是我院長老不能遠去弃



轎而回暨師再住令人先慰二夫曰你當時  
做得是但安心不必疑懼師入院上堂曰無  
端被譖柱遭迤半年有餘作俗人今日再歸  
三峽寺幾多歡喜幾多嗔上堂舉夾山道開  
市門頭識取天子百草頭上薦取老僧雲居  
即不然婦搖機軋軋兒弄口啗啗師常譏天  
衣說葛藤禪一日懷遷化師於法堂上曰且  
喜葛藤椿子倒了也秀圓通在會中作維那  
每見呵罵謂同列曰我須與者老漢理會一

上及夜參又罵秀厲聲出眾曰豈不見圓覺  
經中道師遽曰久立大眾伏惟珍重便歸方  
丈秀曰者老漢通身是眼罵得懷和尚也上  
堂諸方有弄蛇頭撥虎尾跳大海劔刃裏藏  
身雲居者裏天寒熱水洗脚夜間脫襪打睡  
早朝旋繫行纏風吹籬倒喚人夫劈篾縛起  
上堂唯一堅密身一切塵中現蝦蟇蚯蚓各  
有窟穴烏鵲鳩鴿亦有窠巢正當與麼時爲  
甚麼人說法良久云方以類聚物以羣分上

堂雲居不會禪洗腳上床眠冬瓜直儻侗瓠  
子曲彎彎師一日舉鹽官和尚喚侍者將犀  
牛扇子來因緣拈曰三伏當時正須扇子爲  
侍者不了事雖然如是鹽官太絮何不大家  
割捨侍者當時若見鹽官道扇子旣破還我  
犀牛兒來便向道已颺在榼榼堆頭了也  
贊曰 艱棘中來 靈明不昧  
凌霄漢深院脩筠 傲雪霜古巖寒檜  
身歸三峽寺 添五老幾多嗔

腳跨鸚鵡洲 撲古鏡百雜碎

婦搖機軋軋 鬧市頭識天子未真

兒弄口啗啗 百草上薦老僧不會

通身是眼 喜天衣懷倒了葛藤椿

平地生堆 笑槐都官枉入民衣罪

洗腳脫襪打睡 初無出格生涯

喚人劈篋縛籬 也是尋常家計

烏鵲巢窠蝦蟇窟穴 堅密身出現塵中

冬瓜儻侗瓠子曲彎 祖師禪迥超言外

弄蛇頭撥虎尾 聽諸方劒刃裏露影藏身  
破扇子潑羣牛 謂鹽官糞堆頰成團作塊  
道韻奇偉得山林達士之名合浦珠還走蛟  
盤了無瑕類

大覺璉禪師

師嗣泐潭諱懷璉漳州陳氏子母夢僧伽而  
生因小字泗洲師造泐潭法席投機印可師  
事之十餘年去遊廬山掌記圓通訥處仁宗  
召訥訥倦奏師代有旨生淨因召對化成殿

問佛法大意稱旨賜大覺後遣中使問曰才  
去豎拂人立難當師以頌回奏曰有節非干  
竹三星繞月宮一人居日下弗與衆人同帝  
覽大悅又召對便殿賜羅扇題元寂頌與師  
問答詩頌書以賜之凡十七篇至和中乞歸  
老山中進頌曰六載皇都唱袒機兩曾金殿  
奉天威青山隱去忻何得蒲篋唯將御頌歸  
帝和頌不允宣諭曰山即如如體也將安歸  
乎再住京國且興佛法師再進頌謝曰中使

宣傳出禁園再令臣住此禪窠青山未許藏  
千拙白髮將何補萬機霄露恩輝方湛湛林  
泉情味苦依依堯仁况是如天闊應任孤雲  
自在飛帝賜龍腦鉢師謝恩了捧鉢曰吾法  
以壞色衣以瓦鐵器此鉢非法遂焚之中使  
回奏上加數不已僧問聖君御頌親頒賜和  
尚將何報此恩師以手托地曰恁麼則一人  
有慶兆民賴之曰半尋拄杖攬黃河開堂僧  
問諸佛出世利濟羣生猊座師登將何拯濟

曰山高水闊曰花發無根樹魚跳萬仞峯曰  
新羅國裏曰慈舟不掉清波上劔峽徒勞放  
木鵝曰脫却衣裳臥荆棘曰人將語試曰慣  
得其便僧撫掌曰更踣跳上堂文殊寶劔得  
者爲尊乃拈拄杖曰淨因今日恁麼直得千  
聖路絕雖然如是猶是矛盾相攻不犯鋒鎚  
如何運用良久曰野蒿自發空臨水江燕初  
歸不見人參治平中上疏乞歸進頌曰千簇  
雲山萬壑流歸心終老此峯頭餘生願祝無

疆壽一炷清香滿石樓英宗留之不可詔許  
自便師渡江留金山西湖四明守以育王迎  
至韶九峯作勸請疏四明人相與出力建閣  
藏所賜詩頌榜曰宸奎東坡知杭以書問師  
曰承要作宸奎閣碑謹以撰成衰朽廢學不  
知堪上石否見參寥說師出京英廟賜手詔  
其略曰任性住持者不知果有否如有切請  
錄示全文欲添此一節師終藏而不出逮委  
順後獲於篋笥師以佛國白造蒙堂處之後

世叢林因取法焉師住育王作逸老堂

贊曰 家近博桑國 波斯耳帶環

謂漳泉匾頭 灼然心毒

說泗洲入夢 莫被人謾

羅萬象於胸中 風雷陟頰

吐片言於舌上 錦繡爛斑

技澄散聖虎頭關 笑收虎尾

焚銀璫使龍腦鉢 喜動龍顏

拈將拄杖攪黃河 報恩有分

脫却衣裳卧荆棘 濟物何慳

尊道德不忘韋布之交 讓舜老夫身居正寢  
爲佛法代赴紫泥之詔 使訥圓通名播塵寰

江燕初歸不見人 文殊劍鋒鋷太露

野蒿自發空臨水 千聖路踏斷應難

錦帳鋪花 得蘇內翰雄文壯觀宸奎閣

囊錐脫穎 爲韶九峯一疏來住育玉山

屋縛歎根椽 令大地人蒙居養正

雲披三事衲 學生山翁逸老投閑

影之心若能如是方解異類中行不用續鼻  
截鶴夷岳盈壑放行也百醜千拙收來也攀  
攀拳拳用之則敢與八大龍王鬪富不用都  
不直半文錢參次住平江薦福接冲本秀夫  
後榜方丈曰烹金爐楊無爲贊曰冲本秀夫  
四碧眼胡中間坐者烹金之爐上堂夫爲宗  
師須是驅耕夫之牛奪飢人之食遇賤即貴  
遇貴即賤驅耕夫之牛令他苗稼豐登奪飢  
人之食令他求絕飢虛遇賤即貴握土成金

遇貴即賤變金爲土老僧亦不驅耕夫之牛  
亦不奪飢人之食何謂耕夫之牛我何用飢  
人之食復何食我也不握土成金也不變金  
作土何也金是金土是土玉是玉石是石僧  
是僧俗是俗古今天地古今日月古今山河  
古今人倫雖然如此打破大散關幾箇迷逢  
達磨上堂須彌頂上不扣金鐘畢鉢巖前無  
人聚會山僧倒騎佛殿諸人返著草鞋朝遊  
檀特暮到羅浮拄杖針筒自家收取上堂夜

就梅影肱枕胡床 斫額望明月  
破竹陰履穿苔徑 倚檻看狂瀾  
青出藍青於藍欲窮端的意幽鳥語綿蠻

天衣懷禪師

師諱義懷嗣雪竇永嘉陳氏子世以漁爲業  
母夢星墮于屋除及產多吉祥兒稚坐父舩  
尾漁得魚付師貫師不忍私投江中父怒咎  
詬其甜之不以介意長遊京師依景德寺爲  
童行天聖中試經得度謁金鑿善葉縣省皆

不契由洛抵龍門復至都下欲繼宗風意有  
未決忽遇言法華撫師背曰雲門臨濟去東  
遊至姑蘇禮明覺於翠峯入室次覺曰恁麼  
也不得不恁麼也不得恁麼不恁麼總不得  
師擬議覺打出如是者數四尋爲水頭因汲  
水擔折忽悟作投機頌曰一二三四五六七  
萬仞峯前獨足立奪得驪龍頷下珠一言勘  
破維摩詰覺拚几稱善出世鐵佛上堂譬如  
雁過長空影沈寒水鴈無遺蹤之意水無留

來寒霜凜冽黃河凍結陝府鐵牛腰折盡道  
女媧煉石補天爭奈西天一缺如今欲與他  
補却又恐大地人無出氣處且留者一竅與  
大地人出氣參僧問牛頭未見四祖時如何  
曰長江無六月曰見後如何曰一年一度春  
上堂蜀魄連宵叫鷓鴣終夜啼圓通門大啓  
何事隔雲泥辭世曰紅日照樽桑寒雲封華  
嶽三更過鐵圍拶折鱗龍角瑠璃雙碯月分  
破翡翠十峯雲掃開乃天衣境也



贊曰 笑花正眼 立雪元樞

早往京師試經 駕三車自鞭馘鯨

長就翠峯養聖 葵九成日樂鷄鷄

巨口吞鈎 颺下知幾赤梢鯉

精金躍冶 不祥是四碧眼胡

寒水一匳清 印長空沈鴈影

匾擔兩頭折 挾驢頷奪明珠

眼有瞳人 初不在握土成金驅耕奪食

身行異類 又何須夷嶽盈壑截鶴續鳧

徹骨貧窮 敢與龍王鬪富

一言勘破 豈容摩詰名模

教人返著鞋 暮到羅浮朝遊檀特

被僧輕拊背 急尋明覺遠到姑蘇

半夜霜寒 結黃河凍陝府鐵牛腰折

一年春到 引牛頭見四祖枯木花敷

鷄鳴啼夜蜀魄吟霄 圓通門大啓高鑰

翡翠掃雲琉璃分月 天衣境巧畫成圖

出林師子 歷塊神駒

走過鐵圍尋不得趙州東壁掛葫蘆

圓照本禪師

師嗣天衣諱宗本常州管氏子初見天衣室  
中問師即心是佛時如何師曰殺人放火有  
甚麼難於是名顯元豐間李漕使復圭命師  
開法瑞光法席日盛杭州守陳公襄以承天  
興教二剎命師擇居蘇人留之益甚又以淨  
慈堅請移文諭道俗曰借師三年爲此邦植  
福不敢久占道俗始從元豐五年神宗下詔

闕相國寺六十四院爲八禪二律六召師爲  
慧林第一祖旣至遣使問勞翌日召對廷和  
殿問道賜坐師即跏趺帝問鄉受業何寺奏  
曰承天永安帝大悅賜茶即舉盞長吸又蕩  
撼之帝喜其真喻以方興禪宗宜善開導奏  
曰陛下知有此道如日照臨臣豈敢自怠即  
辭退帝目送之謂左右曰真福慧僧也僧問  
如何是祖師西來意曰韓信臨朝底日中下  
之流如何領會曰伏屍萬里曰早知今日事

悔不慎當初曰三皇塚上草離離上堂頭圓  
像天足方似地古兒穉層丈夫意氣趨倒須  
彌踏翻海水帝釋與龍王無著身處乃拈拄  
杖曰却來拄杖上回避咄任汝神通變化究  
竟須歸者裏卓拄杖一下元祐元年以老求  
歸得旨任便雲遊州郡不得抑令住持擊鼓  
辭衆曰本是無家客那堪任便遊順風加櫓  
棹船子下揚州既出都城王公大臣送者車  
騎相屬師臨別誨之曰歲月不可把翫老病

不與人期唯勤修勿怠是真相爲聞者莫不  
流涕其負慈悲善導感人如此晚居蘇之靈巖  
示寂後門弟子塔全身於寺之左

贊曰 真福慧僧 稟丈夫氣

倚烏藤古貌稜稜 發清談春風壘壘

到南泉不疑地 樊噲蹈鴻門

窮少室濫觴源 韓信臨朝底

踏翻大海 聽龍王改宅他方

踢倒狼彌 使帝釋容身無地

圓照堂前光皎皎 揭示祖師心  
三皇塚上草離離 漏洩東君意  
垂一機指人活路 大用雷奔  
借三年植福此邦 惡聲鼎沸  
一錫晚歸林下 輦寺無心宿斷雲  
七絃高掛壁間 琴臺有月翻秋水  
即心即佛殺人放火有甚麼難到船子下楊  
州因甚麼感人流涕

圓通秀禪師

師嗣天衣諱法秀秦州人俗姓辛母夢老僧  
投宿乃有娠先是麥積山有老僧與應乾寺  
魯和尚善每欲從魯遊方魯老之既去乃曰  
他日當尋我竹鋪坡前俄有兒生其所往觀  
之兒爲一笑三歲願隨魯歸十九試經得度  
勵志講肆習圓覺華嚴妙入精義聞無爲鐵  
佛懷禪師法席盛徑往參禮懷問座主講甚  
廢經曰華嚴曰華嚴以何爲宗曰法界爲宗  
曰法界以何爲宗曰以心爲宗曰心以何爲

宗師無語懷曰毫釐有差天地懸隔汝當自  
看必有發明後聞僧舉白牋問報慈云情生  
智隔想變躰殊情未生時如何慈云隔忽悟  
直到方丈陳所證懷曰汝真法器吾宗異日  
在汝行矣師服勤八年懷推爲導首出世四  
面後住本山上堂少林九年冷坐却被神光  
覷破如今玉石難分只得麻纏紙裹還會麼  
笑我者多哂我者少示衆山僧不會解說大  
都應箇時節相喚喫椀湯茶亦無阻師妙訣

禪人若也未相諳踏著秤鎚硬似鐵上堂寒  
雨細朔風高吹砂走石拔木鳴條諸人盡知  
有且道風作何色若識得去許你具眼若也  
不識莫恠相謾僧問不離生死而得涅槃不  
出魔界而入佛界師曰赤土塗牛姦曰謝師  
荅話曰你話頭道什麼僧擬議師便喝師嚴  
冷叢林號爲鐵面李伯時畫馬入神師勸曰  
當想入馬腹中矣李有省因令改畫觀音李  
從之山谷好作艷詞人爭傳之師呵之谷笑

曰又當置我於馬腹中耶師曰公作艷詞以  
蕩人心不止馬腹正恐生泥犁中耳谷驚愕  
乃止

贊曰 靡羈束 何才干

麥積山夢裏翻身 竹鋪坡笑中含毒

頂門眼正 等天地若浮漚

魏闕心遊 以江湖爲桎梏

悟報慈情生智隔 冷汗通身

指華嚴法界心宗 狂花眩目

玄中自得 幾星沙善解玉連環  
妙處不傳 一蟻絲巧穿珠九曲

赤土塗牛姦 入佛魔命若懸絲

生鐵裹面皮 辨龍蛇機如嚙鏃

金鎚影動輪掌上 圭角稜稜

寶劍光寒挂眉間 鋒鋷簇簇

畫神駒得妙處入馬腹 喚醒李龍眠

作艷詞惑亂人陷泥犁 霍殺黃山谷

烹大衣紅爐裏 未辨金鑰

坐少林深雪中 難分石玉  
巧說不會應時節 喫椀湯茶又何曾雨解吹  
砂風能拔木

大通本禪師

師諱善本嗣圓照穎人董仲舒之後弱冠博  
極群書無仕宦意往京師試經得度參圓照  
於瑞光悟旨出世雙林次住淨慈神考聞其  
名有詔住上都慧林賜大通號上堂曰上不  
見天下不見地畝塞虛空無處回避爲君明

破即不中且向南山看 驚鼻擲拄杖下座僧  
問寶塔元無縫如何指示人曰煙霞生背面  
星月遶簷楹曰如何是塔中人曰竟日不知  
清世事終年坐斷白雲鄉曰向上更有事也  
無曰太無厭生上堂僧問若論此事譬如兩  
家著碁學人上來請師一著曰早輸了也曰  
錯曰是曰近前無路也師卓拄杖一下曰爭  
奈者箇何曰只如黑白未分時又作麼生曰  
且饒一著僧問百尺竿頭如何進步曰嶮曰

便恁麼去又作麼生曰百雜碎僧問九夏賞  
勞即不問從今向去事如何曰光剃頭淨洗  
鉢曰謝師指示曰滴水難消

贊曰併息諸緣單明自己

仰面不見天低頭不見地

優入聖域透雲門胡餅之機

博綜羣經抱仲舒絳帷之志

烟霞生背面無縫塔勉強名模

黑白未分時一局碁顛頂指示

百尺竿頭輕進步嶮似懸崖

九夏堂中光剃頭難消滴水

直鈎有香餌入滄海釣金鰲

兩眼沒瞳人向南山看鰲鼻

竟日不知清世事觸髅識未全灰

長年坐斷白雲鄉聖凡心猶欠洗

碧梧陰合穩慧林梓鳳之巢

白雨聲喧奮南宕老龍之臂

沒巴鼻處拋出八稜槌畱塞虛空使本地人



無處回避

雪峯慧禪師

師諱思慧嗣大通錢塘人俞氏子上堂布大  
教網擁入天魚護聖不似老胡拖泥帶水只  
是見兔放鷹遇麀發箭乃高聲召大眾曰中  
上座昔日藥山早晚不參動經旬月一日大  
眾纔集山便歸方丈諸禪德彼時佛法早自  
淡薄論來猶較些子如今每日鳴鐘陞堂初  
初怛怛地問者口似紡車答者舌如霹靂總

似今日靈山慧命殆若懸絲少室家風危如  
累卵又安得箇慨然有志扶豎宗乘底衲子  
出來喝散大眾非唯耳邊靜辨當使正法久  
住豈不偉哉如或捧上不成龍山僧倒行此  
令以拄杖一時趁散上堂南詢諸友踏破草  
鞋絕學無爲坐消日月凡情易脫聖解難忘  
但有纖毫皆成滲漏可中爲道似地擎山應  
物現形如驢覷井縱無計較途轍已成若論  
相應轉沒交涉勉諸仁者莫錯用心各自歸

堂更求何事上堂一法若通萬緣方透拈拄  
杖曰者裏悟了提拄杖海上橫行若到雲居  
山頭爲我傳語雪峯和尚咄上堂一切法無  
差雲門胡餅趙州茶黃鶴樓前吹玉笛江城  
五月落梅花慚愧太原字上座五更聞畫角  
天曉弄琵琶喝一喝僧問古殿無燈時如何  
曰東壁打西壁上堂云眼睫橫亘十方眉毛  
上透青天下徹黃泉且道鼻孔在什麼處良  
久云割

贊曰 雲門八世孫 巨把門墻闢

垂一機平地上波濤

示一境嶮崖中妙密

羅龍打鳳 藕絲網密布縵天

獵兔射麋 蒿枝箭硬教中的

口似紡車舌如霹靂 雪峯門下掘窖深埋

身如累卵命若懸絲 靈鷲山前槌胸叫屈

學無爲坐消日月 渡水覓魚蹤

詢諸友踏破草鞋 過山尋蟻跡

萬緣未透 徒勞拈拄杖海上橫行  
一法無差 且聽落梅花江城狼籍  
笑嵩山滿庭立雪 小魚吞大魚  
住破院古殿無燈 東壁打西壁  
聖解凡情絕纖毫無滲漏 途轍上轉見岐分  
眉毛眼睫亘十方透青天 鼻孔中元無氣出  
徹骨風流 無人企及  
錢塘江上弄琵琶 黃鶴樓前吹玉笛  
千峯萬峯鎖寒碧

月堂昌禪師

師嗣雪峯慧諱道昌寶溪吳氏子上堂云未  
透祖師關千難與萬難既透祖師關千難與  
萬難未透時難則且置既透了因甚却難放  
不煎籬難得價動他杓柄也無端上堂云與  
我相似共我無緣打翻藥銚傾出爐煙還丹  
一粒分明在流落人間是幾年師住玉几冷  
泉塔于南山真歇和尚住徑山時行化寶溪  
則師家中見乃母歇以手摸其腹人訝之歇

曰我重婆子者裏出一負古佛

贊曰 寶溪寶 非常寶

鯨吞水露出珊瑚枝

龍躍淵打失驪珠顆

辨真贗 撞著瞎波斯

較重輕 迷逢胡達磨

鋪陳玉几瞿曇舍利 寂寂無聞

拋擲冷泉靈鷲山王 忙忙尋討

祖師關寒光射透 見梵籬杓柄脫體現成

大還丹冷燄一揮 把藥銚爐烟盡情傾倒

當場定價 壓隋侯照乘不直分文

韞櫝藏諸 咲趙國連城甘爲死貨

老娘肚裏苦他人捫摸 愛同古佛放光

無星秤子等銖兩分明 不被先師謾了

白玉鞭擊碎覓無蹤聽上古萬古南宕山前

草離離日杲杲

雲門至此九世共一十四人

馮仰宗

馮山大圓禪師

師諱靈祐嗣百丈福州趙氏子初參百丈侍  
立次夜深丈曰看爐中有火否師撥之曰無  
丈起身深撥得少火舉而示之曰汝道無者  
箇嚙師大悟禮謝陳所見丈曰此是暫時跂  
路耳經云欲識佛性義當觀時節因緣時節  
既至如迷忽悟如忘忽憶方省已物不從他  
得故祖師云悟了同未悟無心亦無法只是

無虛妄凡聖等心本來心法元自具足汝今  
既爾善自護持師摘茶次謂仰山曰終日摘  
茶只聞子聲不見子形仰撼茶樹師曰子只  
得其用不得其躰仰曰未審和尚如何師良  
又仰曰和尚只得其躰不得其用師曰放子  
三十捧雲巖來師問聞汝久在藥山是否巖  
曰是師曰如何是藥山大人相巖曰涅槃後  
有師曰如何是涅槃後有巖曰水洒不著巖  
却問師百丈大人相如何師曰巍巍堂堂煒

煒煌煌聲前非聲色後非色蚊子上鐵牛無  
你下莆處劉鐵磨來師曰老特牛汝來也磨  
曰來日臺山大會齋和尚還去麼師乃放身  
作臥勢磨便出去師睡次見仰山來師便面  
壁仰曰和尚何得如此師起曰我適來得一  
夢你試爲我原看仰度一盆水師便洗面少  
頃香嚴至師曰我適來得一夢寐子爲我原  
了汝更爲原看嚴點一盞茶來師曰二子神  
通過於鷺子師泥躡次李軍容具公裳至師

背後端笏而立師回首見便側泥盤作接泥  
勢李轉笏作進泥勢師抱泥盤同歸方丈僧  
問不作瀉山一頂笠無由得到莫窠村如何  
是瀉山一頂笠師喚曰近前來僧近前師與  
一踏上堂老僧百年後向山下檀越家作一  
頭水牯牛左脅書五字曰瀉山僧某甲當恁  
麼時喚作瀉山僧又是水牯牛喚作水牯牛  
又是瀉山僧畢竟喚作什麼仰作禮而退仰  
山夏末問訊師師曰子一夏不見上來在下

面作何所務曰某甲在下面鋤得一片畚下  
得一蘿粟師曰子今夏不虛過仰却問師和  
尚一夏作得箇甚麼師曰日中一食夜後一  
寢仰曰和尚今夏亦不虛過道了乃吐舌師  
曰寂子何得自傷已命

贊曰 蠱毒家 滅胡種

心無半點淳 肉有千斤重

被大雄挾火 活換眼睛

引寂子撼茶 全彰體用

轉身猶不會 徒然要軍容進泥

瞋睡幾曾醒 倔強使香嚴原夢

鋤畚兒下得一蘿粟 怪九旬不見上來

做笠僧行到莫窠村 喫一踏不勝皇恐

書名脅左 誰云不是大瀉僧

放臥身時 我疑去捉臺山供

先師大人相 衆皆知煒煒煌煌

本色住山翁 初不在儼儼侗侗

別立玄風闡化機 雖古路斷碑橫惜未紀斯

文之正統

仰山智通禪師

師諱慧寂嗣瀉山韶州葉氏子師辭親遊方  
日人有戲之者於師扇上題曰寂子去行腳  
諸魔使誰滅師續曰龍生蛇腹中借他十箇  
月人皆異之蓋師出屠門諸魔或曰猪毛初  
參耽源已悟玄旨源謂師曰國師當時傳得  
六代祖師圓相共九十七箇授與老僧曰吾  
滅三十年南方有一沙彌到來大興此教次

第傳授母令斷絕我今付汝汝當奉持遂將  
本付師師一覽便火却源一日問師前來諸  
相甚宜秘惜曰當時看了便燒却也源曰吾  
此法門無人能會唯先師及諸祖諸大聖人  
方可委悉子何得燒之師曰某甲一覽便知  
其意但用得不可執本也源曰雖然如此於  
子即得後人信之不及師曰和尚若要重錄  
不難即重集一本上呈且無遺失源曰然師  
參瀉山次師問如何是真佛生處瀉曰以思



無思之妙返妙靈燄之無窮思盡還源性相  
常住事理不二真佛如如師大悟自此執侍  
十五年師爲直歲作務歸瀉問甚麼處來師  
曰田中來瀉曰田中多少人師插鋤叉手而  
立瀉曰今日南山大有人刈茆師拔鋤便行  
一日隨瀉遊山到磐石上坐師侍立忽鴉銜  
一红柿落在面前瀉拾得與師師接洗了度  
與瀉瀉云子甚處得來師曰此是和尚道德  
所惑瀉曰子也不得無分即分半與師瀉問

師忽有人問汝作麼生祇對師曰東寺師叔  
若在某甲不致寂寥瀉曰放汝一箇不祇對  
罪師曰生之與殺只在一言瀉曰不孤汝見  
別有一人不肯師曰阿誰瀉指露柱云者箇  
師曰道什麼瀉亦曰道什麼師曰白鼠推遷  
銀臺不變師夢入彌勒內院堂中諸位皆足  
惟第二座空師就坐有一尊者白槌曰今當  
第二座說法師起白槌曰摩訶衍法離四句  
絕百非諦聽諦聽衆皆散去及覺舉似瀉瀉

日子已入聖位師便禮拜香嚴有發明偈瀉  
聞得曰此子徹矣師曰此是心機意識著述  
得成待某甲親自勘過師後問嚴見和尚贊  
師弟發明頌你試舉看嚴乃舉師曰此是宿  
習記持而來若有正悟別更說看嚴又舉去  
年貧未是貧語師曰如來禪許吾弟會祖師  
禪未夢見在嚴又曰我有一機瞬目視伊若  
人不會別喚沙彌師報瀉曰且喜閑師弟會  
祖師禪也南塔湧謁臨濟後歸侍師師曰汝

來作什麼湧曰禮覲和尚師曰還見和尚麼  
湧曰見師曰和尚何似驢湧曰某甲見和尚  
亦不似佛師曰若不似佛似箇什麼湧曰若  
有所似與驢何別師大驚曰凡聖兩忘情盡  
躰露吾以此驗人已二十年無決了者子保  
任之師每指謂人曰此子肉身佛也

贊曰 鎮海珠 毒龍团

十月借虵腹出生 一顆落蛟盤圓轉  
近前又手 單傳向上之機鋒

思盡還源 搜出無窮之靈焰

兜率第二座說法 白槌處嚇得魂飛

南山大有人刈茅 按鋏去何曾夢見

道德所感 烏鴉銜柿盤石坐分

生殺在言 白鼠推遷銀臺不變

焚却諸圓相 使耽源懊惱尊懷

遇著小釋迦 被胡僧塗糊當面

喚沙彌印香嚴會得祖師禪

何似驢引南塔拔出吹毛劍

得人憎處只許他家父子知然萬古徽猷縱  
佛手亦難掩

### 南塔湧禪師

師諱光湧嗣仰山豐城人章氏子母乳之夕  
神光照室厖馬皆驚因以光湧名之少俊敏  
依仰山剃度發明大事僧問文殊是七佛之  
師文殊還有師否師曰遇緣即有曰如何是  
文殊師師豎起拂子僧曰莫只者便是麼師  
放下拂子問如何是妙用一句師曰水到渠

成問真佛住在何處師曰言下無相也不在  
別處清化付參次問從何而來曰鄂州白鄂  
州使君名什麼曰化下不敢相觸曰此地通  
不畏曰大丈夫何必相試師蹶然而笑遂印  
可集雲峯下大禪佛傳燈具載

贊曰 光騰乳室 劍隱豐城

電翻空淵龍起螯 駒墮地旣馬羣驚

謁臨濟生死猶昨夢

見仰山凡聖兩忘情

忽尔大驚 怪人前指謂肉身佛  
蹶然而笑 知化下敢觸使君名

獨露真常 雲收月現

全彰體用 水到渠成

南塔影中文殊師 錯豎拂子

集雲峯下大禪佛 悞喚師兄

一再次覽東平鏡 塵埃滿面

二十年咲驗人眼 歡瞎無睛

言下無相則固是不在別處然真佛所生

伎倆到底難明

芭蕉清禪師

師諱慧清嗣南塔新羅人也師謂衆曰我十  
八上到仰山見南塔上堂曰汝等諸人若是  
箇漢從娘肚裏屙出來便作師子吼解好麼  
我於言下歇得身心便住五載示衆云你有  
拄杖子我與你拄杖子你無拄杖子我奪却  
你拄杖子僧問如何是提婆宗師曰赤幡在  
左問如何是達磨西來意師曰獨自恹恹暗

渡江問賊來須打客來須看忽遇客賊俱來  
時如何師曰屋裏有緇破草鞋曰只如破草  
鞋還堪受用也無師曰汝若將去前凶後不  
吉上堂如人行次忽遇前面萬丈懸崖背後  
野火來逼兩畔荆棘林若向前則墮坑落塹  
若退後則野火燒身若轉側又被荆棘林碍  
當恁麼時作麼生免得若也免得合有出身  
之路若也兔不得墮身死漢僧問不問二頭  
三首請師直指本來面目師默然正坐問如

何是吹毛劔曰進前三步曰用者如何曰退  
後三步問北斗裏藏身時如何曰九九八十  
一日會麼曰不會曰一二三四五問古佛未  
出興時如何曰千年茄子根日出興後如何  
曰金剛努眼睛承天確在師會下發明後僧  
問衆罪如霜露慧日能消除時如何確曰庭  
臺深夜雨樓閣靜時鐘曰爲什麼因緣會遇  
時果報還自受確曰管筆能書片舌解語  
贊曰 腳頭未跨船舷 參徧大唐諸祖

豎提婆宗奪外道赤幡回

谷西來意貶達磨渡江去

拄杖子一生與奪 未嘗敲出玉麒麟

娘肚裏十月出生 纔曾吼作金師子

前凶後不吉 破草鞋難得受用時

退火進深坑 荆棘林那有出身路

新羅人難辨語 當的帝都丁

北斗裏穩藏身 一二三四五

兩口一無舌 看臨溪打開石鎖的頭搖

雜毒深入心 致承天吐出庭臺深夜雨  
默然正坐 本來面不在二頭  
用者如何 吹毛劍豈拘三步  
青出於藍青於藍信瀉仰兒孫鸞翔鳳舞

芭蕉徹禪師

師諱繼徹嗣芭蕉清廣西人也初謁風穴穴  
問如何是正法眼曰泥彈子穴異之後參芭  
蕉見上堂有云兩口一無舌即是吾宗旨豁  
然大悟僧問如何是深深處曰石入開石戶

石鎖兩頭搖問如何是臨溪境曰有山有水  
問寂寂無依時如何曰未是納僧分上事曰  
如何是納僧分上事曰要行便行要坐便坐  
問有一人未舍生死不證涅槃師還提携否曰  
不提携曰爲什麼不提携曰臨溪粗識好惡  
示衆曰昔日如來於波羅奈國梵王請轉法  
輪如來不已而已有屈宗風隨機逗教遂有  
三乘名字流傳於天上人間至今光揚不墜  
若據祖宗門下天地懸殊上上根機顯超不

異作麼生是混融一句還有人道得麼若也  
道得有參學眼若道不得天寬地窄示衆眼  
中無翳空裏無花水長船高泥多佛大莫將  
問來我也無答會麼問在答處答在問處偈  
云芭蕉的旨不掛唇齒木童唱和石女側耳  
贊曰 人面虵 利刃蜜

閑行坐自要誇張 識好惡人信不及  
泥彈子作正法眼 豈知老風穴綿裹蒺藜  
茄子根應古佛機 不學先芭蕉錦包特石

混融句地窄天寬 臨溪境山深水碧  
遇納僧問涅槃生死 要提携且待驢年  
斥瞿曇說頰漸偏圓 屈宗風卒無了日  
西來意 貼肉衫汗透千重  
宗門事 腳跟下泥深三尺  
木童唱和石人側耳 潑宗旨誰肯挂唇  
眼中沒翳空裡無花 閑言語不勞拈出  
人皆謂瀉山五世到師寂尔無傳殊不知萬  
仞門墻擬登者銀山鐵壁



鴻仰宗至此五世

法眼宗

清涼法眼禪師

師諱文益餘杭魯氏子祝髮詣開元覺律師  
受具戒及覺盛化四明師往習毗尼工文章  
覺竒之目爲吾門之游夏也師以玄機一發  
雜務俱捐振錫南邁抵福州初見長慶無所  
契悟與進修輩擬之湖外旣發值雨少憩城  
西地藏入堂見藏坐地爐問師此行何之曰

行腳去曰行脚事作麼生日不知曰不知最  
親三人附火因舉肇論至天地與我同根處  
藏又曰山河大地與自己是同是別修曰同  
藏豎兩指熟視之兩箇便起去雨霽辭行藏  
送之問曰上座尋常說三界唯心乃指庭下  
石曰且道此石在心内在心外師曰在心内  
曰行脚入著甚來由安塊石在心頭耶師窘  
無以對遂放包俱求决擇近月餘呈見解說  
道理藏曰佛法不是恁麼曰某甲到此辭窮

理絕也。藏曰：若論佛法，一切見成，師大悟出。世臨川崇壽一香爲藏，拈僧子方者，問曰：公久親長慶，乃嗣地藏，何哉？師曰：以不解長慶說萬象之中，獨露身故。方舉拂子示之，師曰：撥萬象不撥萬象。方曰：不撥萬象。師曰：獨露身。咏方曰：撥萬象。師曰：萬象之中。咏方於是悟旨。二僧參次，師指藤二僧齊去。捲師曰：一得一失，示衆云：盡十方世界，皎皎地無一絲頭。若有一絲頭，即是一絲頭。金陵報恩則初。

參青峯問：如何是學人自己？峯曰：丙丁童子來求火，不契。見師，師問甚處來。曰：青峯。師曰：青峯有何言句？則舉前話。師曰：上座作麼生會？則曰：丙丁屬火，而更求火，如將自己求自己。師曰：與麼會？又爭得？則曰：某甲只恁麼未審和尚如何？師曰：你問我，與你道。則理前問。師曰：丙丁童子來求火，則乃悟。僧問：如何是學人一卷經？師曰：題目分明。師與李王論道。次因看牡丹，王命作頌。即曰：擁毳對芳叢，由

來趣不同髮從今日白花是去年紅艷冷隨  
朝露馨香逐晚風何須待零落然後始知空  
王聞開悟師有偈曰幽鳥悟如篁柳搖金線  
長雲歸山谷靜風送杏花香永日蕭然坐澄  
心萬慮忘欲言言不及林下好商量言百法  
明門乃唯識綱宗也

贊曰 紉發玄機 遍行尋訪

小乘根抛弃覺閣梨

惡冤家撞著琛和尚

突片石寸心內 當機擊碎猶涉塵纖  
露全身萬象中 盡力扶持依然鹵莽

指二僧捲簾去 得失未分明

勘童子求火來 是非難定當

如篁語幽鳥 山林意別是風標

擁毳對芳叢 牡丹詩竊誰體樣

是曹源一滴水 蟲禦木偶尠成文

問學人一卷經 蠅鑽紙全無趣句

唯心唯識 石頭城路列千差

無法無人 通玄峯雲橫疊嶂  
盡十方世界皎皎地無一絲頭到者裏百法  
明門只宜收抗

天台韶國師

師諱德韶嗣法眼處州龍泉陳氏子幻依龍  
歸寺得度十八受具去謁龍牙問雄雄之尊  
因甚麼親近不得牙曰如火與火師曰忽遇  
水來又作麼生牙曰汝不會我語又問天不  
蓋地不載此理如何牙曰合如是師不諭旨

再請梅牙曰道者汝向後自會去師後於通  
玄峯澡浴忽省遂焚香望龍牙禮拜曰當時  
若說向我今日決定罵也見踈山問百匝千  
重是何人境界山曰左搓芒繩縛鬼子曰不  
落古今請師說曰不說曰爲甚不說曰箇中  
不辨有無曰師今善說山駭之如是參五十  
四真知識後謁法眼眼一見深器之師倦於  
參請但隨衆而已一日眼土堂僧問如何是  
曹源一滴水眼曰是曹源一滴水師大悟於

座下遂白眼眼曰汝向後當爲國王所師致  
祖道光太吾不如也自是諸方異唱古今文  
鍵與之決擇不留微跡乾祐元年忠懿王嗣  
位遣使迎之申弟子禮示衆古聖方便猶若  
河沙祖師道非風幡動仁者心動斯乃無上  
心印至妙法門我輩稱祖師門下客合作麼  
生會祖師意若言風幡不動汝心妄動若言  
不撥風幡就風幡處通取若言風幡動處是  
甚麼若言附物明心不須認物若言色即是

空若言非風幡動應須妙會與祖師意旨了  
沒交涉既不許如是會諸上座便合知悉者  
裏悟去何法門而不明雖百千諸佛方便一  
時洞了若不如此設經塵劫空自勞神無有  
是處生通玄峯有偈云通玄峯頂不是人間  
心外無法滿目青山眼聞乃曰只此一偈可  
起吾宗示衆古人道若欠一法不成法身若  
剩一法不成法身若有一法不成法身若無  
一法不成法身此是般若之真宗也又曰夫

一切問答如針鋒相投無絲毫參差事無不通理無不備良由一切語言一切三昧橫豎深淺隱顯去來是諸佛實相門只貴如今一時驗取珍重又曰言發非聲色前不物始會天下太平大王長壽又立僧問古德道登天不借梯遍地無行路如何是登天不借梯師曰不遺絲髮地曰如何是遍地無行路師曰適來向你道什麼問法眼寶印和尚親傳未審今日一會分付何人師曰鑿鑿鼓一頭打

兩頭鳴問古者道敲打虛空鳴殼殼石入木人齊應諾六月降雪落紛紛此是如來大圓覺如何是敲打虛空底師曰崑崙兒著鐵袴打一棒行一步曰恁麼則石人木人齊應諾師曰你還聞麼問飲光持釋迦丈六衣在雞足山待彌勒下生將丈六之衣披千尺之身應量恰好只如釋迦身長丈六彌勒身長千尺爲復是身解短耶衣解長耶師曰汝却會明拂袖而出師曰小兒子山僧若答汝話不

得當有因果汝若不是吾當見之明歸七日  
嘔血淨光和尚勸曰汝速去懺悔明至方丈  
悲泣曰願和尚慈悲許某甲懺悔曰知人倒  
地因地而起不曾教汝起倒明又曰若許某  
甲懺悔終身給侍師爲出語曰佛佛道齊宛  
尔高低釋迦彌勒如印印泥有傳大台教義  
寂者乃螺溪是屢言于師曰智者之教年紀  
浸遠慮多散失今新羅國其本甚備日非和  
尚慈力其孰能致之乎師聞于王遣使航海

傳寫備足而回迄今盛行于世矣

贊曰 心法雙忘 乾坤獨步

登天不借梯 遍地無行路

機翻石火 爍破石頭城

掌握龍泉 笑出龍歸寺

天蓋地載 苦龍牙疊將餽飯祭閑神

百匝千重 被踈山左搓芒繩縛鬼子

去來隱顯明 諸佛實相 要且顛預

欠剩有無說般若真宗 不妨菴鹵

是曹源一滴水 悟玄機將豌豆作真珠  
指通玄滿目山 起吾宗變甜瓜成苦瓠  
祖師門下客 辨風幡帶水拖泥  
大王長壽人 外聲色拋沙撒土  
得法眼親傳寶印 鞞皮鼓兩頭鳴  
應木人敲打虛空 崑崙兒著鐵袴  
念南嶽天台教乘磨滅 往新羅國繕寫歸  
論釋迦彌勒有衣短長 令與教僧嘔血去  
諸方異唱古今玄鍵決擇不留蹤不謬爲一

國之師名喧寰宇

永明智覺禪師

師諱延壽嗣韶國師餘杭王氏子自幼知敬  
佛乘旣冠不茹葷酒日惟一食持法華七行  
俱下感羣羊跪聽年二十八爲華亭鎮將屬  
翠巖參禪師遷止龍冊大闡玄化師遂求出  
家請于朝文穆王從其志禮參爲師執勞供  
衆身惟一布衲後往天台天柱峯九旬習定  
有鳥類斥鷃巢于衣攝中暨竭國師一見深



器之密授玄旨仍謂師曰汝與元師有緣他  
日大作佛事惜吾不及見耳初住雪竇上堂  
雪竇者裏迅瀑千尋不停纖粟音巖萬仞無  
立足處汝等諸人向甚麼處進步僧問雪竇  
一徑如何獲踐曰步步寒華結言言徹底冰  
又偈曰孤猿叫落中巖月野客吟殘半夜燈  
此景此時誰得意白雲深處坐禪僧建隆元  
年忠懿王請入靈隱爲第一世明年請生求  
明爲第二世僧問如何是永明旨曰更添香

著曰謝師指示曰且喜沒交涉有偈曰欲識  
永明旨門前一湖水日照光明生風來波浪  
起僧問學人久在永明爲什麼不會永明家  
風曰不會處會取曰不會處如何會曰牛胎  
生象子碧海起紅塵師著宗鏡錄一百卷播  
於海外高麗國王覽師言教遣使賫書敘弟  
子禮又遣僧三十六人問道皆承印記前後  
歸本國各化一方以開寶八年十二月二十  
六日示寂淨慈塔于大慈山

贊曰一出頭來風標迥別

弄華亭鎮將腰佩寶刀

依龍冊老僧身被布衲

誦法華七行俱下惑群羊跪聽座隅

習大定三月方回有斥鷃巢栖衣禡

天台得片言悟旨念念幻緣空

乳峯指一路通玄步步寒花結

迅瀑千尋不停織粟探水文痕深

竒巖萬仞迥絕躋攀望崖心路絕

牛胎生象子垂示太分明

碧海起紅塵家風重滿洩

枕藜床喚回清夢野客吟殘半夜燈

倚蒲團坐斷白雲孤猿叫落中巖月

著宗鏡一百餘卷點鐵成金

印高麗三十六僧證龜作鱉

潛行密用佛眼亦難窺真精進幢慧日峯前  
亘百世光明爍發

法眼至此三世師雖印高麗三十六僧

然傳燈不載名字機緣茲不及贅

正宗讚終

小師

居汪

焚香拜手誓首謹書

于乳峯

慶長十三年戊申仲秋吉辰

小路讚州寺町

中村長兵衛尉

